



**Tribiwnlys Addysg Cymru  
Adroddiad Blynyddol  
Safonau'r Gymraeg  
Ebrill 2021 – Mawrth 2022**

# Cynnwys

<b>Rhagair</b>		3
<b>Adran 1</b>	Trefniadau Goruchwylio Cydymffurfiaeth	4
<b>Adran 2</b>	Statws yr Hysbysiad Cydymffurfio ar gyfer sefydliad sydd wedi newid ei enw	4
<b>Adran 3</b>	Asesu Cydymffurfiaeth	4

# Rhagair

Ar 1 Medi 2021, newidiodd Tribiwnlys Anghenion Addysgol Arbennig Cymru ei enw i Dribiwnlys Addysg Cymru ("y Tribiwnlys"). Dros y 3 blynedd nesaf, bydd y cyfreithiau am yr addysg a ddarperir i blant a phobl ifanc ag anawsterau neu anabledau dysgu yn newid. Fodd bynnag, at ddibenion Safonau'r Gymraeg bydd y Tribiwnlys yn dilyn yr un safonau ag a bennwyd ar gyfer TAAAC.

Dyma bedwerydd adroddiad blynyddol y Tribiwnlys ar ei gydymffurfiaeth â Safonau'r Gymraeg ers i'r Safonau ddod i rym ar 30 Mawrth 2017. Mae'r adroddiad hwn yn canolbwyntio ar y cyfnod o 1 Ebrill 2021 hyd at 31 Mawrth 2022.

Mae dwy ran i'r Tribiwnlys, sef yr ysgrifenyddiaeth a'r Aelodau. Mae'r ddwy yn gweithio gyda'i gilydd yn ystod y broses apelio a hawlio, gan wneud tasgau gwahanol. Yr Aelodau yw:

- Llywydd y Tribiwnlys, hynny yw, yr arweinydd barnwrol;
- cadeiryddion cyfreithiol; ac
- Aelodau lleyg, gyda phrofiad o blant a phobl ifanc ag ADY a/neu anabledau.

Mae'r Tribiwnlys, ei aelodau a'i benderfyniadau yn annibynnol ar y Llywodraeth. Mae gan sawl un o aelodau'r Tribiwnlys sgiliau Cymraeg cryf, a gellir cynnull panel llawn (hynny yw, cadeirydd cyfreithiol a 2 aelod lleyg) a all gynnal gwrandawriad llawn yn Gymraeg.

Mae'r ysgrifenyddiaeth yn gyfrifol am waith gweinyddol y Tribiwnlys a delio â'r holl ymholiadau ffôn ac ysgrifenedig. Gweision sifil yw'r rhain a gyflogir gan Lywodraeth Cymru, ac maent yn rhan o Uned Tribiwnlysoedd Cymru, sy'n gyfrifol am weinyddu chwe thribiwnlys datganoledig ledled Cymru. Nid oes neb yn nhîm yr ysgrifenyddiaeth yn rhugl yn Gymraeg, ond mae cymorth ysgrifenyddiaethau eraill o fewn yr Uned Tribiwnlysoedd Cymru ehangach ar gael iddynt pan fo angen. Mae'r Uwch Reolwr Gweithrediadau a Phennaeth Tribiwnlysoedd Cymru yn rhugl yn y Gymraeg.

Dyddiad Cyhoeddi: 30/09/2022

Manylion cyswllt ar gyfer ymholiadau: [Tribunal.Enquiries@llyw.cymru](mailto:Tribunal.Enquiries@llyw.cymru)

# Adran 1 – Trefniadau Goruchwylio Cydymffurfiaeth

Mae'r Adroddiad Blynyddol hwn wedi'i ddrafftio gan Uned Tribiwnlysoedd Cymru ac wedi'i gymeradwyo gan Lywydd Tribiwnlys Addysg Cymru.

Mae'r Adroddiad Blynyddol hwn i'w weld ar wefan y Tribiwnlys, ac mae Comisiynydd y Gymraeg wedi cael gwybod ei fod wedi'i gyhoeddi.

## Adran 2 – Statws yr Hysbysiad Cydymffurfio ar gyfer sefydliad sydd wedi newid ei enw

Ar 31 Mawrth 2022, derbyniodd Llywydd y Tribiwnlys llythyr gan Ddirprwy Gomisiynydd y Gymraeg yn cadarnhau statws yr hysbysiad cydymffurfio ar gyfer Tribiwnlys Addysg Cymru (y Tribiwnlys), yn dilyn newid ei enw o'r Tribiwnlys Anghenion Addysgol Arbennig (TAAAC).

Dywedodd y llythyr, gan mai dim ond newid enw a fu yn yr achos hwn, a chan fod swyddogaethau'r Tribiwnlys yn parhau'n debyg iawn i'r tribiwnlys blaenorol, nad oes angen cymryd unrhyw gamau pellach. Mae'r hysbysiad cydymffurfio a gyhoeddwyd ar gyfer TAAAC yn parhau i fod ar waith ar gyfer y Tribiwnlys. Wrth ystyried sefydliad sy'n newid ei enw ar ôl cael ei hysbysiad cydymffurfio o dan adran 44 o Fesur y Gymraeg (Cymru) 2011, nid yw newid enw person a bennir yn Atodlen 6 neu Atodlen 8 yn effeithio ar weithrediad y Mesur mewn perthynas â'r person hwnnw.

## Adran 3 – Aseu Cydymffurfiaeth

### Safonau Cyflenwi Gwasanaethau

Mae'r Tribiwnlys yn sicrhau cydymffurfiaeth gyda'r safonau ar gyfer cyflenwi gwasanaethau drwy'r camau a ganlyn:

- Cynhyrchu brand dwyieithog newydd i gyd-fynd ag enw newydd y tribiwnlys.
- Darparu canllawiau i staff am sut i ymateb i ohebiaeth, ateb y ffôn ac ateb negeseuon e-bost.
- Darparu templedi ar gyfer llythyrau, sy'n cynnig cyfle i gwsmeriaid ofyn am ohebiaeth yn Gymraeg. Mae llythyrau a negeseuon e-bost oddi wrth y Tribiwnlys hefyd yn cynnwys brawddeg safonol yn datgan bod gohebiaeth yn cael ei chroesawu yn Gymraeg, ac na fydd gohebu yn Gymraeg yn arwain at oedi.
- Mae'r holl ddogfennau a gynhyrchir i'r cyhoedd ar gael yn Gymraeg ac yn Saesneg, gan gynnwys ffurflenni cais a dogfennau canllaw. Mae fersiynau Saesneg o ddogfennau a ffurflenni a gynhyrchir gan y Tribiwnlys hefyd yn cynnwys brawddeg safonol yn datgan eu bod ar gael yn Gymraeg, ac y gall y cyhoedd gyflwyno gwybodaeth i'r Tribiwnlys yn Gymraeg.
- Sicrhau bod ymwybyddiaeth bod darpariaeth ar waith sy'n ei gwneud yn bosibl i gynnal gwrandawiau yn Gymraeg ac y gall y rhai sy'n bresennol ddefnyddio'r Gymraeg mewn gwrandawiad.
- Mae pob tudalen ar ein gwefan ar gael yn Gymraeg ac yn Saesneg.

- Cyflwynodd Llywodraeth Cymru system ffôn newydd drwy Microsoft Teams ym mis Ebrill 2021. Mae'r Tribiwnlys yn defnyddio'r system newydd hon i sicrhau ei fod yn cydymffurfio â safonau 8 a 9 drwy sicrhau bod gan ddefnyddwyr y Tribiwnlys yr opsiwn o bwyso 1 i siarad ag aelod o'r tîm yn Gymraeg a phwyso 2 i siarad ag aelod o'r tîm yn Saesneg.

## Defnyddio ein Gwasanaethau:

Derbyniodd y tribiwnlys 151 o geisiadau yn 2021-22 a chynhaliwyd 58 o wrandawiadau. O'r ceisiadau hyn, gofynnwyd i 1 gael ei brosesu yn Gymraeg, ond ni arweiniodd at wrandawriad, felly ni chynhaliodd y tribiwnlys unrhyw wrandawiadau yn Gymraeg.

## Gwefannau

Isod ceir dadansoddiad o faint o ymweliadau a wnaed â thudalen hafan y Tribiwnlys ar y rhyngwrdd, yn Gymraeg ac yn Saesneg.

	Saesneg	Cymraeg	Cyfanswm
Nifer yr ymweliadau â'r dudalen	8,748	763	9,511

## Safonau Lluio Polisi

Mae'r Tribiwnlys yn arfer ei swyddogaethau statudol fel y'u nodir gan ei ddeddfwriaeth lywodraethol. Nid yw o fewn cylch gwaith y Tribiwnlys i ddatblygu polisi. Er hynny, rydym yn ystyried effaith ein penderfyniadau gweithredol ar ddarpariaeth ein gwasanaethau yn Gymraeg.

## Safonau Cadw Cofnodion

Mae Hysbysiad Cydymffurfio y Tribiwnlys (sy'n manylu ar y Safonau Cyflenwi Gwasanaethau, Lluio Polisi, a Chadw Cofnodion y mae'n rhaid i'r Tribiwnlys gydymffurfio â hwy) wedi'i gyhoeddi ar wefan y Tribiwnlys: [www.tribiwnlysaddysg.llyw.cymru/sites/educationtribunal/files/2021-08/hysbysiad%20cydymffurfio\\_0.pdf](http://www.tribiwnlysaddysg.llyw.cymru/sites/educationtribunal/files/2021-08/hysbysiad%20cydymffurfio_0.pdf). Rydym yn cadw cofnod o nifer y cwynion a dderbyniwn, os bydd cwyn o gwbl, mewn perthynas â chydymffurfio â'r Safonau.

## Cwynion

Ni ddaeth unrhyw gwynion i law'r Tribiwnlys ynghylch gweithredu'r Safonau yn ystod y cyfnod adrodd.

## Gwaith sydd i ddod 2022-2023

1. Datblygu cynllun gweithredu ar gyfer hyrwyddo ac annog y cyhoedd i ddefnyddio'r Gymraeg wrth ryngweithio â'r Tribiwnlys.
2. Bydd y Tribiwnlys yn cynnal archwiliad sgiliau o aelodau Cyfreithiol a Lleyg y Tribiwnlys. Diben hyn yw adolygu ein cofnodion ar gyfer y rhai sy'n gallu cynnal gwrandawriad Tribiwnlys yn Gymraeg drwy gyfrwng y Gymraeg.
3. Bydd gwaith hefyd yn cael ei wneud i gynllunio system hunanreoleiddio ar gyfer y Tribiwnlys o ran cydymffurfio â safonau'r Gymraeg.
4. Bydd dogfen ganllaw hefyd yn cael ei chynhyrchu, gan roi cyfarwyddiadau i'r Tribiwnlys ar sut i gael gafael ar wasanaethau cyfieithu ysgrifenedig a chyfieithu ar y pryd, ac ar hwyluso cyfarfodydd dwyieithog drwy lwyfannau fideo-gynadledda.
5. Bydd gwefannau Tribiwnlys Addysg Cymru a Thribiwnlys Anghenion Addysgol Arbennig Cymru yn cael eu hadolygu a bydd cyfleoedd i gael mynediad at wasanaethau'r Tribiwnlys drwy gyfrwng y Gymraeg yn cael eu hamlygu.
6. Bydd fideos dwyieithog yn cael eu cynhyrchu yn amlinellu gwaith a phroses y Tribiwnlys, gan esbonio'r newid o TAAAC i Tribiwnlys Addysg Cymru ac amlinellu'r ffordd y mae cylch gwaith y Tribiwnlysoedd wedi'i ymestyn. Bydd y fideos hyn yn annog y cyhoedd i ddefnyddio gwasanaethau'r Tribiwnlys drwy gyfrwng y Gymraeg.